

滄  
浪  
軒  
詩  
集

滄浪軒詩集

席帽山人江陰呂彥貞著

卷第四

甲寅

從家君登狼山奉和原韻

大江渺無際。突兀起雲嶠。五點紛聯絡。中峰更高。  
妙竹煙凝古。翠松風發清。調谿研探石。根渾沸窺。  
泉竅陽崖絢。餘霞陰峯澹。殘曜嚴君樂。山水動靜。  
叅玄突發言。攄仁智。小子無能肖。舞雩志崇修。春。  
風隨歌嘯。自揣同芻蕘。何敢塗清廟。念此鷦鷯音。

定為鳳皇詔

宿黃泥山海雲菴次家君韻

獨有靜者心山中愛閒住猿鳥共棲息小子亦隨  
步觸境獲幽賞即時快清晤但就風月主何辭煙  
霞適冥心叅天籟忘機得禪悟平生邛壑興於焉  
涉佳趣餘勇尚可恃莫訝歸期誤

遊馬鞍山次家君韻

策蹇就歸途觸目驚奇秀招提遙在望林泉多佳  
遶初日媚叢樹流雲拂層岫蠟屐方懷新墊巾彌  
感舊魚聲幽洞徹鶴影脩柯逗尋異饒餘興何妨

此間又

送家君赴都門聯句

兩載歸來暫息肩樸今朝馬首又天邊  
陶公到底腰還健杜董令何曾項肯眠  
澹泊襟期終曠達梓杜萼鱸風味自纏綿  
丁寧莫使荒三徑樸此去徒償未了緣杜

春懷

寂寞空階往復回臨風雙袖拂香埃  
落花有恨驚紅雨蔓草無情悵綠苔  
別浦新愁人乍遠疎簾舊侶燕初來  
癡心祇恐春歸去靜掩柴門故不開

城北訪退園遺址

細雨淨浮塵。濃雲失遠嶽。偶此過城北。松間獨息。  
偃廢池。長新蒿。亂石積斑藓。問是古退園。光祿舊。  
游衍。憶昔遭瑞禍。流毒及冠冕。先生早杜門。羅織。  
亦未免。從此不復出。終身甘肥遯。林園雖已廢。勝。  
蹟猶在眼。顧名竊思義。不媿清流選。

有鷗鳥巢園中口占絕句

彩尾華冠宛轉吭。飛來故故掠蓮塘。兒童不記。  
處。註錯認珍禽。是鳳皇。

上巳修禊

雅懷曾點志修禊及元辰沂水多新賞蘭亭盡故人  
浴風非獨樂衣服亦同春但得幽情暢何妨詣  
學鄰

春暮偶成

昔賢懷感慨祇為事情遷觸眼鶯聲老驚心草色  
驚達人齊物化狂士任機緣趣此春猶在無須意  
惘然

渡口

早上渡頭船一篙清淺處吹來楊柳風送到前溪  
去

午日口號二首

江鄉風味偶傳流，令節年年故事留。  
試看閨人剛鬪草，又將艾虎揷兒頭。

湘江負石泣孤臣，角黍紛將擲碧津。  
可笑當年憐餒鬼，於今到處饌生人。

夏日園居卽事用彭澤神淵瀉時雨晨色  
奏景風為韻十首

夏日勢可畏，炎氣欲熏人。  
陶公詩在案，臭味若與親。  
三復能消暑，落筆如有神。

園外無足迹，早已熱心捐。  
有時興偶動，信步到花

前觸處窺道妙俛仰察天淵

東風挾雨來霎時簷溜瀉高梧清響滴敲竹疎影  
鞦韆滿眼添生意萬物想陶冶

曉風被茂草晨露濯喬枝群動猶宴息萬物總希  
夷平且多清氣此際更心怡

昨占麥信風今卜黃梅雨田園居未久早已如農  
圃不近小人依豈知夏畦苦

僻地無車馬雞犬共昏晨出門何所見盡是懷葛  
民赤子心不失各自安本真

槿籬作牆垣迴抱烟水宅翠栢有奇姿素荷多佳



色不待衆友萃已足永朝夕

晨起讀書聲反覆供研究寢間竹籟合座上松風  
透唱和多清音何啻絲竹奏

空庭獨露坐遙望明月影點綴無微雲河漢清且  
迥樹間聲忽起早似深秋景

蓬蒿仲蔚迹茅靡次都風天爵吾自貴浮雲境本  
空消夏有良藥毋使誚熱中

池內荷花盛開懷家兄薪圃同濟堂秋園  
兩兄作

閒來信步到芳塘曲院荷風正早涼料得燕山頻

屈指闌干人影滿衣香

送仲兄赴省留別原韻

念我樵夫笑空悲井上觀劬勞之子遠寤寐碩人  
寬玩月情移庾攀條意感桓但能邀鶚薦何慮路  
漫漫

七夕大風雨有懷二首

瞬息風雲變長空暮雨霏星辰無次聚河漢有波  
飛但覺蛇龍鬬遙知烏鵲稀天孫當此際何以賦  
于歸

不識槐黃客蹇江第幾程家居猶色變驛路更

驚縱可憑忠信誰能卜死生呼天祝風雨莫近秣陵城

得家兄金陵消息

風雨前宵萬斛愁開函此日幸無憂書中但道烟波惡夜半孤舟泊石頭

鴛鴦篇

南國有佳禽雙飛復雙止清晨集花嶼薄暮宿芳沚翠鬣漾晴波紅毛拂秋水不比老鷓鴣休教拋蓮子蓮子如柳拋恐驚鴛鴦起

秋蟲四首

蟋蟀

餐風咽露抱清姿底事螳螂暗地窺最笑深林長  
蔽葉高鳴日夜喚人知

螢火

園林深夜竹風清點點流光滅復明照字至今稱  
韻事芸窗却愛伴書生

蟋蟀

淒風苦雨亦傷秋不斷空堦晝夜咻諒汝何心驚  
懶婦相隨祇在讀書樓

絡緯

空閨發婦泣三更  
軋軋孤燈百感生  
好似多情憐寂寞  
當窻亦自弄機聲

秋夜同秋園兄賦燈花詩

秋來鯉魚風乍起  
細雨點滴芭蕉裏  
叔子足跡纔窺園  
弟亦篝燈更繼晷  
兀坐不問夜何其  
誰鼓三槌讀未止  
但見松窻影搖紅  
放花一朶大於指  
暗中吹噓如有神  
得非司花默假爾  
竭來梧桐多落葉  
東籬亦已謝朱紫  
一旦冷院舒鮮葩  
多情聊足慰寒士  
歎我彩筆未生花  
空向公門羨桃李  
何時夢作江文通  
好更爛漫來送喜

賦得筆花二首

中山手筆大如椽擬是文通入夢年莫笑湘東班  
竹管一枝獨占桂林先

三條燭下燦鮮葩五鳳樓頭吐怒芽不但公門似  
桃李還當化作紫薇花

聞家君補官安肅

見說梁門地衝途晝夜勞馳驅憐負弩絡繹駭麾  
旄邑小同雞卵官輕等弁髦朝來傳尺素奉檄此  
搥刀

敝裘

敝裘猶袒裼着體幾曾經縱少懷溫意聊存念舊  
情何須憐范叔獨自慕齊嬰滿眼多狐貉伎求總  
不生

院中橘樹結實甚夥口號

離離朱實傲霜初作頌婆心足起予記取過庭期  
望意踰淮枳樹是前車

雪中四照亭眺望

同雲密布暗窗虛忽訝寒光入眼舒頃刻琪花開  
院落迷離畫景點村墟柴門客過嗥群犬古寺僧  
歸策蹇驅禿筆無能嚴禁體飄鹽飛絮未芟除

除夜即事

余本鈍根人素性無他嗜叉手學吟哦不厭雕蟲  
技每逢時序變聊復當日記古人重令節家庭有  
樂事無那別離多樽酒起遐思白雲空悵望宴會  
知何地想見撫南枝應灑思親淚

乙卯

家祖慈八十壽聯句

憶昔設帨十載前滿堂祝嘏相周旋樓阿翁阿叔  
踉進酒諸孫竹立如珠聯杜爾時我年始九歲弱  
弟肩隨菜衣韋梓慈顏顧盼生歡悅分甘但覺永



桃鮮樸竭來攝提貞臥月春風重此開華筵杜白  
雲北望漁陽道陟此遙知情纏綿梓吾儕小人偷  
食者鳳毛無能追名賢樸徒使倚門念行役當歸  
遠寄郎山巔杜安得掘粟西籬下和芹歸獻娛長  
年梓

同人有遊山之約遇雨不果戲占絕句二  
首

窈窕春光萬綠濃尋幽擬上玉芙蓉儂城底事頻  
為雨望斷巫山十二峰

連朝醉倒落花前緊閉柴扉倦欲眠咫尺家山猶

若此迢迢五嶽諒無緣

送家兄濟堂舍弟丹渚隨家慈之遊城

長堤春曉柳絲絲極目征帆悵遠離未得薰興舒  
鵝翼祗緣在萼念烏私椿株已苦雲容渺棟萼何  
堪日照岐幸賴壩篋餘叔氏西窗風雨共追隨

春晴

朝來新雨霽春色遍晴郊蠟燕攜山市風爲挂柳  
梢溪聲流不住樹影暗相交滿耳飭簫弄何須載  
酒肴

即事

連朝風雨鎖山房快意新晴樂未央浪壓魚鱗丁  
字水廬成蝸殼干橋莊貓頭笋熟堪充饌雀舌茶  
烹可代觴曳履柴門無箇事行歌且學接輿狂

過石圃有感

雅抱南宮癖當年布置工幽人今不見怪石草痕  
中

雜詩四首

春風動綺簾海月生遙樹何處撥絃人泠泠幽韻  
度

對奕蒼松下丁丁落子聲爛柯人不見祇有石泉

鳴

閒臨逸少書落落多高致  
馮罷黃庭經寵驚人不  
至

春山對案青曲水當門綠  
橋外一漁翁垂竿赤雙  
足

偶成

狂名早已號書癡偃蹇空山懶下帷  
未必禮非因我設何妨詩不使人知  
忘憂草自能催醉解語花  
偏可療飢僻地從來朋輩少祇教魚鳥伴追隨

原上偶步

雁齒紅橋枕鶴汀尋幽偶內柳邊停苔生水際彌  
漲碧塔入雲中不礙青日暗禽聲依樹亂雨來龍  
氣雜風腥眼前便爾陰晴異回首西原已窈冥

四好詩四首

茶

入口真無味如何未肯離祇因能撥悶竟似可充  
飢斗酒論文候孤鐙坐兩時古人吟未及獨有馮  
毛詩

茶

纔罷巴菰吸新茶手自烹龍芽清有味蝦目靜無

聲頗蛻詩人骨能移酒客情平生邪苦好陸羽癖  
幾成

酒

未○必○人○皆○醉○何○堪○我○獨○醒○敢○云○希○李○白○差○可○學○劉○  
伶○把○帚○春○長○在○持○鉤○筆○不○停○遙○知○步○兵○眼○定○為○麴○  
生○青○

筍

此外都無好南坡竹滿居春分寒食後人醉麥花  
初滑美同新韭清腴勝晚蔬胸中千畝在不羨武  
昌魚

曝書

縹緗傳世業辛苦一沐書令節催風雀炎光逼蠹  
魚牙籤新易舊貝葉零重舒自媿無能讀留免負  
五車

山齋坐雨

山雲霎忽蔽炎暉細雨涼生白袷衣燕語呢喃穿  
繡幄荷香縹緲入書帟梧桐葉亂秋聲早楊柳風  
來暑氣微一卷陶詩吟自若逍遙物我共忘機

送馮亮居姜南原赴省

一路槐花遠深黃襯晚霞載瞻雲漢水言泛斗牛

槎厚福齊長樂華年薄子牙  
樗材空笑我猶自困泥沙

翌日送徐三松門赴省試仍用前韻

送君南浦外且自酌流霞客  
醉三更雨人登八月槎  
秋風生木末宿鳥亂檐牙  
野望鑾江去樓船古白沙

聞警

俘民方逆命早動杞人憂  
蟻聚唐虞世蝸藏蠻觸  
謀請纓慙往哲獻馘望同仇  
遂縣衝繁邑遙知羽檄稠



江南曲

江南八月新鴻來，迢遙天路紛徘徊。美人凝粧坐樓上，仰首盼望心悲哀。前年西域未歸命，將軍出塞戎馬勁。伯也執殳為前驅，博得麟閣揚名姓。邇來五溪方跳梁，壁壘烽燧連荆襄。王事靡盬不遑處，又奉簡書馳蠻荒。封侯獨抱四方志，何時征人可聿至。滿室蠨蛸復伊威，夢回空灑無益淚。念汝流寓情懷多，塞上寄信無差訛。可憐不到衡陽路，阿儂如此新鴻何。

秋夜獨坐二首

獨坐愁無際徘徊望遠空夜深蟲響裏秋老鴈聲中觸念征人苦驚心怨婦窮短檠餘蠟淚更鼓已三終

三更還喚酒獨酌盡郛筒望古情遙集懷人意暗通自憐多命蹇不信為詩窮滿眼傷秋感何堪鐵馬風

九日登文峰塔有懷

前年重九北山隈此日城南訪勝遊五點峯巒青未了萬家井邑望全收無邊旅雁他鄉夢不斷浮雲故國憂料得風高多落帽天涯回首亦傷秋

秋 一首

江鄉惹恨是尊羹，但到秋來百感生。  
孔雀東南勞夢寐，高樓西北渺蓬瀛。  
馮唐白首依郎署，李膺青衫滯帝城。  
濟堂家兄北開報罷開係劉信芳學士房內薦奉  
能作賦，疎砧落木不勝情。

聞道西南未罷兵，江津鼓角地中鳴。  
群蠻走險紅笳上，將連營白帝城。  
豈必三年勞捷伐，應須八日觀平成。  
書生可笑無韜畧，亦羨豪流欲請纓。

田家

田家終歲苦最好，是秋成雀噪窺茅屋。  
牛閒卧豆

棚如京伊婦利維億我倉盈回首耕耘日纔知快  
慰情

讀史

雁門司馬騎箕回○西安輦鼓連天來○老猓蜎子猷○  
復熾潼關迤北城○門開邊事一朝竟○至此監軍督  
師真奴才○獨有將軍志○恢復一心為國除狼豺○無  
何食盡退寧武○誓死不二無疑猜○城中設伏誘賊  
入○殺人如草尸成堆○老弱相持竟匝月○女牆崩壞  
城垣頽○徒步巷戰勇百倍○大呼奮擊同奔雷○夫人  
升屋並燒天○一門赴火風雲哀○臨死罵賊何悲壯

常山睢眭稱朋儕至今生氣透紙上捲卷雙淚紛  
盈腮設使邊帥總若此鼠子那得飛天街我讀舊  
史三太息空庭月夜長徘徊雖為執鞭亦心慕問  
公公其許我哉

聞逆吳牛生就擒

問道奇兵入長驅到武陵三軍環腹背一鼓翦腹  
肱驚鴨池邊雪滹沱水上冰餘氛知破膽野看檻  
車徵

長至前二日家兄薪圃自遂城納姬旋里  
戲占絕句二首嘲之

夜半喧聲到竹扉驚看冶麗入蘭闥羨君兩載風  
塵苦博得桃根挈伴歸

星星髮染最多情祇為愁眉太恨生自古佳人說  
燕趙可能一顧竟傾城

得家君調清豐信

兩載衝繁苦風塵此息肩舊邦舊卧轍新邑快麾  
鞭衛國河山古淇泉兩露鮮遙知訟庭靜還可結  
詩緣

寄濟堂家兄丹渚舍弟

杳渺刀頭信空山獨寤歌遙聞辭黑嶺想見到黃

河遠夢通風雨長情感琢磨人生悲去日祇是別離多

附答

逝鳥流雲外悠然勞者歌春風將夏日易水復漳河竟被江山障空教歲久若無能伸悃懣感汝自情多

又

弱齡辭井邑燕趙共悲歌鴈使疎新節魚書望大河自慚吟興少常恐歲華磨忽得南來信瑤篇惠我多

送家兄薪圃之姑蘓求醫時兄新自遂城

旋里

昨日歸鴻慰別離，孤舟又此問津涯。搔頭祇索陳

琳機

兄素患頭風

豁目還尋米芾碑。細雨漁篷江上畫。

西風酒

客中詩淒涼莫踏真娘墓，多恐寒砧助

旅悲

除日和東坡韻三首

饋歲

親故重人事，餽問資輔佐。歲時更有加，不憚致珍  
貨。富厚均能勉，可笑窮措大。憶昔逢除日，閉關自



穩卧嚴方官遊難復安斯座彼來與此往紛煩  
同轉磨平生厭豪華得此已為過何當返古初太  
羹不受和

別歲

歡娛患時短愁苦嫌日遲過今年無定逝者不可  
追修途遙相望茫茫未有涯志士甘苦辛所憂在  
失時但求仁義飽不慕膏粱肥我生十九年何曾  
老大悲童心未能免又此舊歲辭對酒思自憤莫  
任與年衰

守歲

年來成底事自哂同畫蛇清樽不能飲覲面若相  
遮荏苒忽今夕起視夜如何撫此屠蘓酒不厭兒  
女譁興趣轉豪宕如聽漁陽槌頃刻便新年北斗  
已西斜古人不我迂將壽補蹉跎努力及此時後  
生豈足誇

滄浪軒詩集

席帽山人江陰呂彥貞著

卷第五

丙辰

正月四日

皇帝內禪恭紀

儲皇初受命中外慶 當陽瑞靄凝 王屋卿雲

擁 帝鄉 九天新雨露萬國舊冠裳斗野 膺

圖久成周卜祚長三公交燮理八伯共膺颺世沐

重熙以人臨 復旦光正開千叟宴還奉 兩



宮觴蟻臣何幸謳歌大海旁

曹義勇祠

海寇跳梁日孤忠憤激時匹夫知大義一旅勝雄  
師不受成功賞何慚裴革尸至今隆俎豆猶配漢  
臣祠

元夕登狼山觀野燒

突兀懸崖挿碧空尋幽又此眺花宮峯腰未覩江  
流白塔頂先觀野火紅爍電東西迷紺宇繁星上  
下混蒼穹當年索饗傳田燭此夜如狂樂意同

謁四賢祠

祠祀范文正公岳武穆王胡文定公文忠烈公

兩宋都城作戰場。群賢祠廟尚輝光。將軍德澤留  
江曲。宰相謀猷遍海塘。一代循良歸道學。千秋節  
義屬文章。我來展謁懷私淑。想見騎箕在帝鄉。

### 軍山寺

招提凌絕巘。高聳近諸天。戶外三吳小。沙間百粵  
連。昂頭窺斗極。舉足踏雲煙。官待成蓮社。何妨此  
學禪。

### 詠苔

僻地終朝緊閉門。新苔雨後遍荒園。淒涼永巷青  
青色。不似君王屐齒痕。

夢萍

輕狂柳絮撲烟濤化作流萍舊日心最是江頭孤  
客夢天涯與爾共浮沈

散步黃泥橋

偶爾尋花去無心到板橋一溪春水漲兩岸柳絲

飄竹外浮晴嶂籬邊隱畫橈可憐三尺土宿恨未

曾銷

楊畔舊有駱義烏墓乾隆初  
遷葬狼山南麓今遺址尚存

漫興二首

潢池猶貌法嘯聚未曾休百濮牽中夏三巴控上  
游干戈連楚尾烽火照吳頭羽檄星馳急誰寬

宵旰憂

上將專征伐，壺漿望捷音。  
許生方就戮，張角未成擒。  
汚水藏青犢，夔門伏綠林。  
猖狂何日息，獨抱杞人心。

曉起

曉色初穿牖，披衣早灌園。  
野心含露笑，山鳥向人言。  
旭日升紅影，殘星澹碧痕。  
夜來書卷在，重對案頭繙。

懷濟堂仲兄

月夜頻驚斗柄移，天涯地角起遐思。  
關河蔽目三

千里風塵迴腸十二時博得他鄉雲氣繞爭教故  
國鴈聲悲歸來若檢囊中句白日閒眠定有辭工部

詩憶弟看  
雲白日眠

### 感遇四首

山中鎮日掩荆扉不見雙親淚染衣百緒縈迴難  
自角一身漂泊竟無依江淹別恨憂心切李膺功  
名壯志遠從古顯揚成大孝此生何以報春暉  
酒後驚聞子夜歌書生伎倆奈愁何蘓秦困日黃  
金盡阮籍狂時白眼多幾見胸襟能淡泊可憐歲  
月易蹉跎更聞皓魄窺簾幙祇有情深是素娥



豈必高彈貢禹冠。人生骨肉是真歡。楂梨已苦東  
西隔。棣萼還驚彼此單。月透疎簾姜被冷。風侵破  
壁董帷寒。何時一室同歌嘏。別易無須慮見難。  
楚蜀妖氛未掃除。秦川又報有萑苻。至今巫峽稱  
天險。自古褒斜號奧區。漢世來槍皆劇盜。謂姚之富王三  
槐南中側貳本村姑。謂齊遙不共底成何事。又見  
軒皇涿野誅。

秋夜徐松門過訪

不見文長久。荒園喜扣扃。苦心規我赤。病眼為君  
青。木落口穿。牖山空月滿。亭夜深人語。靜秋色正

清冷

入泮口占

螢光雪影未經嘗  
此日慙窺數仞墻  
皮相何能參  
弟子魚書差可慰  
高堂常懷范老襟  
期濶竊比終  
童歲月長  
二十餘年  
九萬雲程  
不<sub>二</sub>矣<sub>一</sub>  
輒還憑師友共  
攜將

秋郊偶步

興酣多獨往  
却值午風恬  
稻熟牛眠棚  
人來雀避  
檐碧波翻白  
鳥紅樹漾青  
帘最是秋山好  
遙知影  
入簾

得家君書命梓北行留別新圃杖園兩兄  
後溪從弟

白雲封沫水豈敢怯長途祇為踈鴻信由斯羨鯉  
趨眼前懷棣萼轅下感桑弧去去孤帆遠回頭是  
舊吳

曉發

沒雲澹空碧殘月挂脩林一葉無邊去寒流深復  
深

舟中望月有懷

客路頻回首蒼茫起暮愁可憐今夜月獨憶故園

秋草際中聲急天邊露氣浮榜人貪利涉何處泊  
扁舟

晚泊露筋祠

輕舟又此過禪扉月白風清露滿衣莫怪天陰多  
聚蚋殘秋尚有鹿蛭飛

陳琳墓

落日荒煙數尺墳才人逸氣自如雲早知醫得頭  
風愈應悔當年作檄文

重過淮陰侯釣臺

龍蛇古屋蝕蒼苔又此西風上釣臺幾見男兒能

折節空餘婦女獨憐才  
同時絳灌何妨伍異日英  
彭未免猜莫為藏弓悲往事  
咸陽宮殿總飛灰

### 大風渡河

幽絕柔櫓殺波瀾何恬息  
箕坐望晴空遠山作秋色  
黃雲自西來青穹陡昏黑  
湏臾吼狂風颯颯寒威逼  
飛浪濺征衣一葉駭傾仄  
平素怯臨深當此更眩惑  
就中燕趙人戰兢為匍匐  
憶昔渡長河童年乏知識  
既無風波苦更侍慈顏側  
凝眸快大觀頗足開胸臆  
何期此重臨使我中心惻

### 永營早發

曉色涵空碧。征車度輭塵。風高鴉背冷。霜滑馬蹄。  
駿回首江東路。關心沫北人。幾曾經跋涉。遊子暗  
悲辛。

途次遇雨

發軔纔三舍。偏驚行路難。雨來雲脚合。風過馬蹄。  
寒。托足無荒驛。啼飢欲并餐。與人頻問訊。何處是

漁灘

是日宿  
漁溝

旅邸夜雨

雨聲不斷滴芭蕉。縱是安居亦寂寥。無那天涯紫  
別緒。一窗燈影坐清宵。

翌日早晴亭午復大雨

乍喜遇新晴如何雨復傾  
幾曾馳百里依舊滯孤城  
坦道羊腸險羈身鳥羽輕  
倉皇尋即次不敢戀宵征

雨阻仰化集題壁

竟夕濛濛雨不休天涯旅客動離憂  
消閒難著阮公屐怯冷空披季子裘  
野店清醑成異味長途蠢僕宛同儔  
無聊漫就隣窻客恐有奇才似馬周  
紅花埤遇吾鄉湯守脩王千總劇談半夜

翌日結伴同行

素非謀一者但為故鄉情偶爾萍蹤合欣然菊酒  
傾挑鐙方續草抵掌更談兵且自登牀卧明朝好  
並行

郊城道中

驅車郊子國涼雨黯山城野戍無人迹空林有鳥  
聲問官懷令德傾蓋想交情祇為泥塗累忽忽任  
遠征

沂州留別湯守備王千總仍用前韻

聚散原無定何須感別情詩因豪客壯酒為故人  
傾沔北方環甲川東未弭兵男兒心許國慎忽憚



南行

散金臺

行誼高千古清風緬二疏  
急流能勇退樂道自安居  
志不營田宅財偏散里閭  
至今臺尚在過客為停車

武侯故里

暮雨寒風舊跡荒崇碑道左感流芳  
忠傳兩表誅元惡智決三分奠版章  
伊呂無妨稱伯仲良平豈足共行藏  
靈旗沔水千秋恨未必英魂戀故鄉

途中偶成

楊柳西風雨意酣長途薄暮未停驂  
槎枒鳥道雙峰合掩映人家萬木參  
極目仙鳬飛沫北驚心旅鴈望江南  
山程水驛紫愁緒樽酒琵琶總不堪

### 山行

群山環抱如陽低古驛西風吹更淒  
酸驟流雲浮雨脚谿谿亂石滑霜蹄  
無邊落葉堆蕭寺不斷寒泉湧曲溪  
獨客正嗟行役苦隔林何處鷓鴣啼

### 途次遇山左官兵赴楚勦寇

萑苻猶未靖調遣及青齊雨雪飛旌  
旆風雲壯鼓鼙蜂屯連沔北虎旅出  
淮西滿眼軍容盛蕭蕭怒

馬嘶

泗水道中

雉堞嵯峨古卞城，斜陽渡口落鞭聲。  
蒼然暮色來陪尾，最愛寒潭徹底清。

旅館對雪

征途日苦雨廉纖，白雪飄飄恨又添。  
謝女庭除方落絮，蘓公院落已堆鹽。  
那堪作客空囊底，祇合消閒遣筆尖。  
却愛詩情驢背好，衰楊古陌訪青帘。

曲阜偶成

策馬來夷魯，青齊歎不如。  
地猶家相國，宅是聖人。

居東禮先王俗傳經太史書平生悅周孔遺迹足  
開余

闕里謁先聖廟

自顧何人者而登至聖堂  
蚍蜉資兩大鼃黽戴三  
光德望欽南子包容許  
互鄉三和車服歎幸得仰  
宮墻

夫子手植檜

絕無枝葉附老幹不成陰  
鬱結經霜雪青蒼閱古  
今參天紅日近拔地白雲深  
咫尺秦松在何能比  
德音

曉發費縣行不十里車覆折轅感賦

顛○更○城○頭○雲○氣○惡○黃○沙○刮○面○颼○風○作○四○馬○黑○闇○狂○  
奔○馳○征○車○忽○自○空○中○落○是○時○余○方○續○殘○夢○驚○醒○身○  
已○在○溝○壑○大○殺○疾○呼○竟○罔○聞○輿○人○袖○手○空○錯○愕○豈○  
料○朦○朧○猶○醉○鄉○幸○賴○後○車○効○距○躍○我○輩○平○生○戒○毀○  
傷○時○時○臨○深○與○履○薄○竭○來○出○門○無○親○朋○但○持○汝○曹○  
性○命○託○嗟○爾○牛○馬○不○自○惜○迺○復○人○類○任○戲○謔○設○令○  
脫○輻○身○竟○死○輕○生○毋○乃○鴻○毛○若○虎○臂○羊○腸○到○處○是○  
莫○謂○平○地○無○失○腳○

曉發義城

車中殘夢續醒後似衣單疲馬驚霜滑棲鴉悵曉  
寒過村聊買醉貪路竟忘餐悵望天將雪長途尚  
杳漫

汶上旅次遇家慈攜眷南旋始得家君復  
任遂城信梓因侍家慈南歸

日晡抵平陵滿眼多衰柳言訪閔子祠恣情玩岡  
阜忽聽聲翻翻輿隸擁左右前驅有老奴副車似  
僕婦乍看漫猜疑定睛見吾母喜極不能言伏地  
拜馬首母氏展笑容殷勤執兕手車中屢致詢老  
姑身健否挽車入旅邸問何歸田畝始知復舊邑

無為隨奔走母亦叩試事深幸列廬後次第及家  
務問答已永久遂乃偕弱弟奉觴進壽酒兜心樂  
融融不覺醉一斗回首困長塗減獲作朋友夢寐  
傷筑獨艱辛徧身受一旦侍慈顏歡聚幾十口途  
遇無外錯豈曰非天誘返旆更南轅歸來娛黃耆

過宛州作

未獲南樓望輕輿奉母初雲山迷魏博桑梓近淮  
徐凍結繁霜候寒生落照餘趨庭空有願搔首重  
踟躇

鄒縣謁孟夫子廟

魯國纔瞻聖鄒都更謁賢見知存道統私淑接心  
傳去籍懷封建行仁重井田至今稱語益冉閔莫  
能先

同作

早歲高山仰今朝拜此堂聖人真可學小子本  
非狂善性稱堯舜淫辭放墨楊巖巖瞻氣象洙  
泗道彌光

澤山碑

後世不識何男子自稱始皇意太侈六王既畢四  
海一初巡關東便登此何人珥筆頌功德相斯助



惡亂天紀公然鋪張駕羲黃禹湯文武罔與比大  
書特書不一書嵯峨碑碣如山峙直謂千秋更萬  
歲豈料碑指祖龍死丞相三族不可保狂悖笑殺  
鄒魯士焚書終亦遭焚碑出乎爾者反乎爾有宋  
張令何為者重摹刻石真可恥

滕文公廟

我行過沙河言望公邱里崇碑立道旁井田表遺  
址越陌復度阡想見勞疆理遂廼謁祠廟二臣並  
從祀然友戰憶昔戰國末七雄方並峙旦暮尋干戈  
百年終未已肝腦塗土地荼毒徧赤子獨有小國

君慨然慕前軌遠人來觀化風俗何醇美秦楚既  
淪亡齊梁亦傾否一時非不雄惡名垂青史叢爾  
卜正冑能使聞者起千秋隆俎豆至今為不死

漢匡衡故里

白日澹荒原落木淒遙沚言望道旁碑傳是稚圭  
里當年宰天下陰陽資變理經術既湛深文章亦  
茂美才或遜長沙名自齊中壘弱歲讀遺編未能  
窺涯涘竭來過故閭彌復懷芳軌說詩人何處解  
頤思未已

陰平旅次傳聞邳州湖水暴漲道路泥濘

遂自臺莊買舟南行

已經秋水涸何事道難行乍聽人言沸翻教客意  
驚一帆風自好千里雪初晴咫尺淮東路歸舟可  
計程

舟次泃溝

迷離烟水碧波涵兩雁風蘆雪意酣回首沂河猶  
在眼清光早已似江南

渡河二首

微風蕩漾水無波前渡劉郎此又過一曲吳歌聽  
未了輕舟早已達南坡

昨夜匡牀夢不成  
黃河說起便心驚  
津人莫唱公無渡  
順逆由天意自平

晚泊高郵有懷

朔風起天末  
微霜鋪陌上  
痛飲木瓜酒  
獨歌小海唱  
終古文游臺  
望遠生惆悵  
龍圖固雋逸  
淮海更高曠  
當代無坡老  
誰能分瑜亮  
生才世不乏  
取裁資宗匠  
我亦捫蝨流  
豈便古人讓  
悠悠眼中人  
空負青雲望  
猶憶孟叅軍  
曾以坐絳帳

同作

朝發公路浦  
晚泊孟城驛  
夜月映澄鮮  
西風生

蘆荻望古多遐心此情空脉脉憶昔蘓秦輩於  
焉共晨夕名流一雅集湖山為生色鬱鬱文游  
臺終古感行客斯人不可見茫茫烟水碧

道中作二首

郭外清波映酒旗西風醉後動遐思心齋本是聰  
明士不記當年胡翼之

最愛蘆蘆冷落人

軒謂陋

騷壇逸氣薄高吳名場多

少無雙士輸與盧仝蟻蟲臣

大風

屈指歸程一日中如何偏阻石尤風霜天落木蕭

蕭夜獨坐孤舟憶許公

謂忠愍公

十一月二十九日抵家

兩月他鄉夢今朝返故廬快傾三葉酒重檢一牀書  
去日傷秋候歸來映雪初故園風味好莫更歎無魚

同作

薄宦從遊久奔波繞塞塵燕山多俠士衡水半風人  
偶絆他鄉夢終懷故國春歸來時已晚未得及鱸莩

喜聞楚南苗寇平定

時賊首石柳鄧被戮其子石老喬等詣軍

降門

蔓延垂兩載全楚肆猖狂困獸林中鬪游魚釜底  
忙禁軍皆虎哮儒將亦鷹揚陣舞龍蛇勢旗懸  
日月光戈矛塵七澤烽燧靜三湘聚米勲庸赫量  
沙處置詳孫恩方獻馘雍閩更追亡宥脅章仁  
被殲魁國法彰忽悲橫海歿謂福猶賴伏波良  
謂畢秋露布馳千里風聲震八荒經營憑郭李  
撫字在龔黃不但苗民格還安隴蜀疆

二十生日

冬宵夏晝歲華遷虛擲光陰二十年早羨終纓偏

自請空懷和璧幾人憐  
浮雲昨已歸西楚  
旅夢今猶滯北燕  
最是劬勞恩罔極  
懸弧歲暮懶開筵  
時臘

八月二十  
八日

除日讀唐書竇懷貞傳戲題二首

珠璫寶扇出宮闈  
白髮佳人擁翟衣  
爆竹聲中催合卺  
枯楊何幸柳花飛

一任長安笑語譁  
歲朝覲面謝官家  
疏中博得佳名署  
話柄千秋說國奢

丁巳

春日登文峰塔



凌雲孤塔迥平遠眺遙汀水影無邊  
白山光不斷青春生芳草岼人在夕陽亭觸處皆佳致天然列畫屏

駱賓王墓

本在黃泥口何年此地移江山存氣骨煙樹護藩籬  
兩代雙忠合謂宋金將軍應千秋一檟奇我來澆斗酒風雨擁靈旗

登狼山支雲塔遠眺

蓬元未得眺層樓遊客歲北未果按岱宗取道泰安作岱宗遊  
頂碧霞宮塔頂高寒亦壯遊北望江城大如斗東

瞻海島小於漚迷離井邑千家抱杳渺帆檣萬點  
浮滿眼雲霞天路近分明岼外是瀛洲

劍山道中遇雨

無端風雨至山色未分明遠樹含煙複飛泉觸石  
鳴洞深迷曉畫野曠異陰晴縱或登臨興翻增邱  
壑情

雨後登軍山

遙空生霽色更觸象山遊峭壁青如洗孤松翠欲  
流雲隨征鴈杳帆趁暮潮浮雨後多寒意春江氣  
似秋

卽事

莫怕春風似剪刀。花朝獨自步平臯。明霞彩散紅  
千疊。細雨溪添綠。半篙繞砌芳枝空。爛漫投林好  
鳥任喧囂。東京撲蝶成佳話。想見名流興趣豪。

遊珠媚園

隔院禽聲樂相招。在柳梢。洞深猿結窟。松古鶴營  
巢。繚繞流光複。參差樹影交。前朝舊司馬。曾此寄  
衡茅。

次韻奉答仲兄見寄二首

聞道西河善解憂。喪明何事獨含愁。但能老蚌雙

珠出一任殘陽照暮流

遠志輸君萬里寬  
高堂賴汝更加餐  
多情最是還家夢  
昨夜墮簾握手歡

山房即事

萬木參差綠幽人在澗  
阿靜窺啼鳥換閒  
數落花多檻外盤蒼壁  
橋邊貼碧荷瀾漫一篙水  
何處打魚歌

自君之出矣二首

自君之出矣  
夜夜如潮水  
潮水有歸時  
相思長不已

自君之出矣裁書託鯉魚朝來釣雙鯉不見答僕書

贈徐松門

前哲崇德行後人重文苑豈緊昧本末所志在通顯絕裾求功名賢者猶未免富貴斯為下鄙夫見更淺吾友篤至性棄怙勞輾轉母氏罹艱疾良醫無盧扁割股幾傷生僅廼留殘喘觀過斯知仁吾儕為懷赧厥弟復無祿呼天彌氣短恐傷慈母心多方思慰勉孝友良可風豈曰非世罕平生性嗜學夙夜勤墳典發抒為文章義理佐才辯六經皆

注脚百家任驅遣氣盛短長宜根茂枝葉滿有才  
如斯人豈至長貧寒賤子寡交游齊嬰獨與善世  
人艷才華我尤推根本學養既素優貯看邀青眼  
卓卓成大器不媿英妙選

送業師左峰伯之任桃源學博二首

苜蓿清風冷澹衙居官仍似在山家公門最是多  
桃李不羨河陽一樹花

八載周旋侍絳帷深慙蘭樹謝庭姿說詩以後無  
匡鼎妬殺他人又解頤

同作

楓林

趨庭兩載悵睽違玉樹相期歎已非甫得春風  
三月坐驪駒又唱汨雙揮

從師不厭走遐方每每擔簦道路忙祇為一堂  
承色笑無能相伴負書囊

泛舟至奎樓作

如何平屋却名樓偶爾尋竒泛畫舟四面波光浮  
曲檻一庭花影落清流蒼松日透明還暗黝竹風  
高夏亦秋自是群真游息地空勞海外問瀛洲

七夕閨詞二首

玉宇澄如練遙知渡鵲橋誰言天漢遠遠水更迢

迨生憎結綵樓祇使儂心攪自悔嫁來時穿針空乞巧

秋圃

一畝墻東地辛勤課藝功暑消瓜架雨涼趣豆棚  
風佐饌供餘韭延賓摘早菰何嫌同老圃草履有  
蘓翁

秋燕迴文

瓏玲語徹韻悠悠曉月殘花荻滿洲通徑冷霜晨  
啄飽亂巢寒雨夜添愁空梁木葉黃泥軟舊夢春



波綠水流窮路未來新鴈侶風高拂燕舞涼秋

聞警

叛逆方底定流寇又猖狂白骨堆平野黃沙起戰  
塲岷峨天府地江漢富人鄉井底成何事憂天意  
未忘

秋日偶成二首

遙空生暮色風雨掩柴關簾動知花落林喧識鳥  
還添衣憐病骨對鏡感愁顏不解秋何恨無端涕  
淚潛

獨有餘醪酒囂然解不平樽前堪掃恨醉後倍忘

情白髮人千里黃梁夢五更迢遙京國路何處保  
陽城

秋風

讀書方夜坐最怕是秋聲不似三更發因之百感  
生飛沙棲鴈亂落葉宿鴉驚我本多愁種淒然永  
叔情

同作

楓林

子夜涼風至淒其檻外聲無邊霜葉墮不斷浪  
花生久客侵衣薄空閨入夢驚誰能免愁恨獨  
坐亦傷情

秋雨疊前韻

驟雨隨風至，蓬窗夜有聲。  
階前懸溜急，枕上峭寒生。  
赴火微蟲感，橫空恠鳥驚。  
東籬殘菊在，搖落不勝情。

同作

楓林

殘秋多感觸，夜雨送愁聲。  
滴溜三更動，寒潮半夜生。  
天邊征雁苦，窗外候蟲驚。  
不似春霖好，霏霏若有情。

讀季漢五志六首

昭烈皇帝

周室先宗盟君子大居正三國紛逐鹿於漢尊同  
姓承祚仕典午私魏未足病所憾言太略名實罕  
相稱王氏採群言苦心重論定就中舉五賢赫赫  
表遺行餘編誰能續新書可互證

家君病謝陸季漢書未盡善

近

纂續後漢書六十四卷  
魏吳載記尚未脫藁

先武長沙孫昭烈中山後所出並景族簡在良非  
偶武宣罔能比刑措報綦厚置述本井蛙孫曹乃  
敵手強弱勢攸分豈真庇小醜明德祚有底三分  
限隴右遂令建武業炎興不復守史官書冠魏毋  
乃亂北壯

諸葛忠武侯

文忠本欲吏高密亦自銜出處未光明學術多簡  
便堂堂諸葛公抱膝隆中畔所志在道德功名無  
係戀三顧勞王孫伏龍始利見君臣如魚水一德  
資襄贊六尺孤可託追美伊與旦討賊申大義有  
征不在戰用兵若時雨耕芸罔或變卓卓名世才  
拔萃東西漢成敗何足論至今兩廡奠

國朝雍正  
初詔以

武侯祠  
祀

關壯穆侯

公明事楊奉文遠從呂布雋又與仲業袁劉臣有

素反顏仕仇讐熱中多顧慮桓桓前將軍忠義天性具擇君慎厥始顛沛無疑懼來去自分明草木視寵賂阿瞞狡譎人無能施權數憶當獵許郊明眼窺巨蠹誅姦若反掌安民在一怒祇因為國惜姑息終貽誤天道未輔正襄樊勞虎步大功方垂成與國生乖忤蒙遜同鬼域黨惡為紂助遂敗乃公事一載移漢祚祇今英雄泪猶灑臨沮路

張桓侯

自古王者興將相半鄉里微時舊交游一朝共奮起昭烈少好客物色遍燕市同時惟兩賢憲和古

狂士車騎樊噲流  
早年識宗子遂乃  
合部曲聽使若臂  
指侍立可終日誓  
為知己死北征走  
猛虎西討殲封豕  
千載稱闔張高名  
震敵耳無命竟如  
何大局終鼎峙

趙頌平侯

亂世能擇主觀人  
抱巨眼溫恭勵朝  
夕忠義信屯蹇  
卓騎虎穴離襁負  
龍種免一身無夷  
傷神勇世所鮮  
猊亭興忿兵持論  
獨侃侃斥魏稱漢  
賊不媿將相選  
設使任北伐定可  
齟略展機會一以  
失狂寇延餘喘遂  
使股肱臣異日勞  
績繼天時固多艱

人謀亦未善我讀輔臣傳厚重表忠款叔至與齊  
名想見規模遠可惜逸行事不獲幽光顯

聞黔寇被擒

王師席卷下群荆懋績爭推馬伏波幾見奸民能  
漏網早聞妖婦已投戈石屏嶂疊牙旗卓銅鼓巖  
高甲帳多萬里黔南烽燧息捷書十日騁明駝

哭祖母次伯兄韻

晨夕相依二十年無端永訣哭呼天辭官令伯情  
難展謝吏升卿境不延冰雪高風懷寡鵠枯槎餘  
澤慟啼鵑哀音遠向燕關訴想見孀人意慘然



口號

無邊風雨至。伴我共哀吟。  
萬里懷憂憤。芹津觸痛心。  
九熊多苦意。還鮮有清音。  
往事餘彤管。重繡濕襟。

除夕感懷

蹉跎又此送殘年。滿酌屠蘇懶下咽。  
萬里紅塵渡黑嶺。八旬白髮渺黃泉。  
魚伴雁使哀音寄。荻畫熊丸口澤傳。  
料得燕南方。匍匐終朝天際望歸船。

滄浪軒詩集

席帽山人江陰呂彥貞著

卷第六

戊午

人日有懷

如何逢此日不見眼前人  
觸景繁華改驚心歲月  
新蒼顏天末客白髮夢中身  
滿座無花勝銜杯自  
苦辛

春草二首

天涯芳草遠萋萋一帶平蕪入望齊  
繡閣鬪來桃

正放芒鞋踏去柳初低池邊旖旎沾鴻爪陌上芊  
綿觀馬蹄苦憶王孫歸未得空教嫩綠遍長隄  
偶為尋春到草堂蛙鼓兩部亂橫塘平疇細雨添  
芳潤廣陌和風送暖香酒旆飄颺窺翠羽油車往  
復露紅裳淒涼最是明妃塚終古青青弔如陽

同作

大堤芳草望迷離旖旎春光到處宜碧色情牽  
醴陵賦池塘夢繞未嘉詩拈來廣陌何妨遠鬪  
向深閨不厭癡任是燎原驚野火呵嗟總仗暖  
風吹

當年南浦感芬菲又此嬉遊往事非  
柳陌蜂方粘暖絮榆闌人尚著寒衣  
東風牧笛浮花徑細雨錫簫傍竹扉  
滿眼青青終一寸芳心何處報春暉

春郊

為愛鶯花勝尋春到大堤  
魚群翻碧浪鳥跡印紅泥  
鬪草多名妓朝山半秀閨  
青帘飄市口索醉小橋西

海棠二首

姑射仙人世寡偕  
丰姿瀟灑動春懷  
淵材底事多

餘恨便是無香亦自佳

裊裊輕絲若有情昌州香國更馳名司花定怨深

聞字未博詩人月旦評

少陵母名海棠

同作

瀟洒丰神絕點埃臘脂為面玉為胎半開正際

清明候不是風流借柳梅

王彥沖海棠詩梅借風流柳借輕

舊歲淇東看此花幽姿到底遜山家春風用意

勻顏色

鄭谷任說無香却可誇

春興迴文

泠泠細雨濕窻紗醉客留春踏落花亭外柳溝深

浴鷺汴前堦草亂鳴蛙青雲岫向松扉繞碧水溪  
環竹逕斜鈴鐸動搖風習習玲瓏韻過噪歸鴉

眾姊氏瑤華四首

獨應虺蛇夢無能與雁行紅顏多命薄碧海早神  
傷衛女空懷國齊門自望鄉層城消息杳何處問  
觀香

髻年耽翰墨林下舊稱賢道韞能吟絮文姬早辨  
絃何嘗慚博士真不愧書仙一旦焚遺橐高風似  
陞娟

潘楊原世好天壤有王郎織錦憐蘓蕙齊眉慕孟

先白華之子感黃裏古人傷觸眼愁朱粉空談鳳  
引凰

本是飛瓊輩人間不自如但聞推四德幾見詈三  
閭季子悲傷日英公感歎餘高堂最鍾愛慎勿寄  
魚書

哭妹

棧林

昨夜函音到草堂滿天風雨助悲傷烏私觸緒  
方縈夢鴈侶離群又亂行母氏長辭雙握手父  
兮遠別九迴腸年來我亦懷艱疾涕泪淫淫腐  
席牀

哭姊次伯兄韻

累歲妖星照北堂  
遭家不造遘憂傷  
慈仁忍奪期頤算  
短折還罹姊妹行  
弱息何堪揮愛刃  
雙親無奈割衰腸  
靈魂想見多愁緒  
徹夜幽泉泣石林

自我脂車返故堂  
憂虞迭見動哀傷  
當年顧復懷鳩愛  
此日乖離感雁行  
老母蘭房猶執手  
嚴君草次獨牽腸  
謝家最小偏憐女  
嶠李義怕說從前坦腹林



偶成

春來花事自多情，獨有愁人亂緒縈。  
杏苑迷離紅雨感，楊隄披拂曉風驚。  
青衫暗濕如司馬，白眼長留。有步兵。  
觸境何堪追往昔，雙柑懶復聽流鶯。

濟堂仲兄至自遂城

會面翻驚訝，朝來入夢身。却銜千里淚，頻哭九原人。  
慟觸劉殷久，悲添屈姊新。許多言不盡，且自拂征塵。

同作

楓林

獨坐無聊賴，驚聞慟哭聲。見兄心竊喜，話舊苦

彌生亦抱寬排意難為鬱結情嚴親歸未得倍  
覺淚盈盈

初夏

首夏清和日漸長埋頭靜掩讀書堂案前法帖臨  
虞褚架上牙籤別宋唐謾謾薰風生柳館瀟瀟暮  
雨亂蓮塘推敲自具壘篴樂翰墨流連好共商

和徐亦凡自挽詩

偶訪幽居便設觴驚看壁上盡哀章

原唱甚多和竹風

有似吹潛閨

鄭友詩塚上兩竿

薤露無端唱曉林

曠達何嫌窈窕近詆諧不待歲時防平生最笑曹

瞞輩兒女情多淚滿行

送從兄廷楨之遂城

疎雨暗孤城濃烟沉古戍言念白髮人迢遞燕南路仲氏既歸來誰與共朝暮感汝獨任勞不畏行多露我輩為人子祇因儒冠誤送君南浦外遙望雲深處悠悠明發情何以伸孺慕

送伯兄復之吳中求醫

徒因霜露染未獲赴梁門又向蕪臺去迢迢烟水村山晴窺樹影沙遠識潮痕但得醫和在何憂病

眼昏

時兄抱目疾

同作

望雲空抱歎。洒淚赴江東。水漲浮遙嶂。風平駕  
短篷。豈曾忘養志。祇為欲開矇。想見歸來日。登  
堂拜阿翁。

夜坐

纖月挂林梢。微風生蘋末。蚓曲何紆徐。蛙鼓自喧  
聒。感發本無心。天機微活潑。獨坐思物理。不覺暑  
氛歇。

憂旱二首

自古桑林格。至誠焚薪亦足播。仁名年來請命憑。

僧道又聽經壇梵唄聲

雨露何能不少偏彌縫自可獲豐年吾鄉本是瀕  
江地不見雙潮到大田

北溟叔招飲萼華堂作時余翌日有金陵  
之遊

畫閣微涼暑不侵初秋爽氣襲羅襟高荷宛轉香  
風度古木參差曲逕陰顧我新情紫白下輸君舊  
夢繞黃金芳筵屈指懸孤近時叔於中元前好借  
匏樽次第斟

秋日從仲兄赴都

槐花飛滿道並馬向江干驟雨來荒驛秋風急暮  
灘候潮趨野店問渡解雕鞍此去波濤濶高堂泪  
未乾

曉發

昔渡黃河水滄江又此行五更殘月影萬里早潮  
聲破浪英雄意臨深孝子情弟兄聊唱和內若莫  
心驚

泊雙橋鎮

出江終十里便遇石尤風忽見人烟近遙知港汊  
通蟬嘶深樹裏蛤吠小橋東且此尋村沽銜杯眼

界空

望虞山

拔地連峰起參天懸崖矗我行近南岬偶得快心  
目烟樹紛迷離陵巒欹起伏飛波薄崇瀨幽宮桃  
怒狀猿鳥窺邃洞鐘梵度遙谷應茲邱壑賞厭彼  
風帆速回首忽已遠空波自往復

過焦山作

誰向波濤裏擲此玲瓏石水曳妙布置似為長征  
客層巖矗懸流孤峰挿空碧竹木青若浮苔蘚翠  
如滴仰窺鶴鶴巢俯瞰鼃鼃宅萬松吼怒濤忽與

江潮逼不辨澎湃。穀但覩蒼翠色。想見山中人。弥懷自暢適。何當訪焦先。攜手登絕壁。

金山晚泊

此地真奇絕。花宮水面浮。潮穀千丈落。月影一江秋。遠火依菰浦。疎鐘度荻洲。山僧知已卧。秉燭慕清游。

北固山

飛波撼石根。山勢如欲走。終古峙江濤。定有神鼇守潤州。斗大城。日夜潮。穀吼蛟龍不敢窺。磅礴護京口。地脉接海門。雙峰翼左右。遂迺成鼎足。有如



蓬瀛偶尋竒躋絕頂罡風生窻牖帆檣檻外飛金  
焦落我手何當此結廬三山訂良友

江中口號二首

萬里波濤湧樓身一葉舟江豚吹浪過沙鶴薄空  
游日色頻催暮潮殺欲助秋白雲南北繞極目望  
悠悠

瞬息風帆迅江山具大觀蟬鳴知岍近鳥落覺灘  
寬水色連天白雲容映日丹乾坤真境在可作畫  
圖看

黃天蕩懷古

江雲黯淡捲長波，悵望當年老鶴河。一代英雄出  
巾幗，八千子弟枕干戈。沈舟敵膽含驚甚，穴板機  
心抱恨多。底事書生偏賣國，朱仙坐此亦蹉跎。

青山二首

衆山青未了，直接石頭城。多少南朝客，秋風共此  
情。

江水靜無波，輕風生荻葦。依依柔艣葢，早到青山  
尾。

登燕子磯

候潮楊柳畔，蠟屐眺孤峰。綠樹烟中色，青山雨後

容大江流一束卷石勢千重極目多奇趣應澆石  
魄胸

遊永濟寺

懸峰快意矚江流更向招提訪勝遊薜徑雲深斂  
孤屐花宮天濶豁雙眸鐘磬午後清如夜梵唱空  
中淨入秋恠道禪心耽寂滅紅塵那似此間幽

泊石城橋

燈火滿長橋蜿蜒光映水維舟入酒家坐看江潮  
起

雨花臺

偶爾庭前有落花便誇天女散僧家我來不愛雲  
光跡祇為雙忠弔暮鴉

永寧泉

亦嘗憂水厄興動為蒙泉靜結山間契清叅雨後  
緣一泓源不竭七椀妙能仙可惜中冷錯回思意  
惘然

余前過金山以日暮不及嘗中冷水

謁方景二公祠

落日叢祠滿綠蕪行人感舊尚嗟吁緋衣謁闕忠  
叅智紫詔投階勇帶愚九族株連多不識一村瓜  
蔓徧無辜當年祇為扶名教那管千秋俎豆俱

登報恩寺浮圖

百丈浮圖挿碧空，登臨直造白雲叢。  
群峰起伏千重抱，萬舳來回一線通。  
楚國河山殘照外，吳都井邑晚烟中。  
可憐暢快遊人眼，却費當年土木功。

旅館夜雨

薜荔牆高雨氣腥，空齋坐對一燈青。  
三更戶牖穿將破，幾樹芭蕉夢不寧。  
醉後猖狂疑落木，客中漂泊感流萍。  
朋儕共訂遊山約，祇恐明朝且暫停。

泛舟秦淮

夾岸樓臺繞秦淮，最勝遊漸生芳草。  
渡人上木蘭。

舟翠鬢橫花勝香籃賣桂毬可憐嗚咽水還帶六朝秋

謁黃侍中祠

報國當年有二黃如公氣節更輝光徵兵未展戈  
矛志索寶應窺鐵石腸兩地夫妻同効死一時兒  
女共流芳遺祠本是烟波宅展謁猶懷割肉香

忠孝亭謁卞忠貞公墓

忠孝高風絕等倫孤亭奕世自常新遺骸七尺驚  
環爪老婦千秋訴致身內史何曾生肖子長沙未  
可語純臣多君報國流芳遠不似南朝曠達人

莫愁湖四首

秋潮漲後水平鋪，載酒蘭橈拍手呼。  
冷落風光桃葉渡，遊人但問莫愁湖。

真娘蘓小足千秋，此日蜚聲又莫愁。  
不信紅顏悲薄命，芳名箇箇世間留。

多虧太守愛風流，鬢朶慵來小影留。  
寂寞湖光資點綴，佳人名士快優游。

我亦多情善恨人，槐黃接迹訪香塵。  
何當柳媚花明日，更向晴湖賦冶春。

謁孝陵

滿眼干戈逐鹿場。驅除祗為聖君忙。戎衣一戰同  
湯武。正統千秋接宋唐。薊北雄風恢永樂。江東王  
氣盡宏光。至今白馬稱賓客。落日山陵暮色蒼。

### 吳大帝陵

紫髯碧眼亦雄姿。鬱鬱佳城剩斷碑。半壁山河銷  
王氣。三分楚越想洪基。蘆中虎士參帷幄。帳下鷺  
鈴聽指麾。最是稱臣曹父子。幾曾高出景升兒。

### 臺城

南朝勝蹟盡平蕪。獨有臺城壯舊都。可笑捨身終  
餓死。千秋誰似老公愚。



登雞鳴寺有懷

雞鳴埭上梵王宮  
滿眼秋光滴不窮  
雨後斜陽低極浦  
風前落木點遙空  
齊妃店肆成荒徑  
陳主樓臺入野叢  
獨有元湖鳴咽水  
歌聲一片采蓮蓬

發金陵

落日新潮上啼鴉  
解送行秦淮秋柳  
色搖曳最多情

同家兄遊攝山以日暮不及登最高峰悵然賦此

生平耽山水到處多遊轍  
何況逢名山豈肯覲面

失却來挂歸帆候潮便當發翹首見連峰蜿蜒拱  
萬笏詢是棲霞寺頓覺遊興熱阿兄頗同志攜手  
趨林樾歸雲鎖斷堙潛鳥亂幽窟逕曲倍崎嶇峰  
回更突兀古樹鬱昂藏飛泉落湍渤不復聞人語  
偶一啼蒼鷗此身疑飛仙超然蛻凡骨一峰揮青  
雲縹緲接天闕登頓足已繭煙霞志未歇捫蘿欲  
攀緣夕陽忽西沒微茫餘一線無能辨凹凸扶筇  
尚徘徊觸石幾顛蹶遂迺自崖返歸路轉恍惚不  
憚眩舊蹊彌復懷新悅何時踐宿願重此雙眸豁

真州

雲氣冥濛鬱不開，維舟古岫獨徘徊。  
江城過午潮聲寂，一櫂清波帶雨來。

廣陵道中

幾徧淮東去，江都未一遊。  
偶然騎鶴至，何處放螢流。  
度曲悲商女，憂時感楚囚。  
徒因二分月，載酒訪高樓。

謁史忠烈公墓

國事紛如此，何能一木支。  
但求酹故主，不忍負良師。  
守宰皆知義，謂知府任民育等偏裨盡裹尸。  
謂副將乙那才等忠魂同一處，縹緲望靈旗。

歸舟海陵二首

滿天風雨暗汀洲  
鎮日奔波未少休  
夢裏還家欣慰問  
醒來依舊在孤舟

科頭曳履扣舷歌  
疊疊蒲帆不斷過  
欸乃聲中秋月上  
隣舟相遇故人多

抵家口號

五旬江表住兄弟  
伴還家快意高堂酒  
關心故國花門前  
觀稼圃牆外問桑麻  
獨有京華客猶聽塞  
上笳

秋懷二首

瀟瀟暮雨捲池蘋。觸緒愁生落帽辰。半載漳河留  
宦蹟。三年武遂絆孤身。白雲山上違顏久。州西北有雲臺山。余昔送家君至此。黃葉聲中入夢頻。如此秋風搖落夜。天  
涯猶作未歸人。

一年花事逐消磨。詩酒情懷感慨多。故國憂心猶  
若此。他鄉離緒更如何。燕山雪擁黃雲斷。易水風  
寒白鴈過。森森長淮下游地。淚珠流不到滹沱。

### 報罷

劉蕢猶落第。謂家兄。如我更何言。早讓新花樣。遂留  
舊兔園。無能稱國器。未免負親恩。悵望燕山道。天

涯尚倚門

菊花二首

鎮日幽姿不染塵  
西風勁後氣彌伸  
黃花最是多情種  
獨伴空山冷落人

桃李當春早擅名  
閒花野草亦爭榮  
東籬獨汝憂遲暮  
大器何妨竟晚成

芙蓉

嬌姿秀出冠芳叢  
直到深秋始放紅  
愛爾神情真散朗  
翩翩林下共清風

仲兄三十生日次家君郵寄詩韻

美人坐蘭房明眸復皓齒豈無庶士求獨重人倫  
始纖手抱瑤瑟朱絃不復理守貞已十年惟恐玷  
厥美一朝鮮佩纓祗為蹇脩起哲士感遲暮亦望  
升斗水遇合會有期所貴在知己莫謂食無魚不  
念魴與鯉當筵何必歎聊此醉春醴

送伯兄之遂城

一家骨肉聚何為少我父我父留燕山舉目無舊  
侶歸來屢愆期夏夏復蹢蹢久客艱旅食誰復知  
甘苦伯氏重有憂就道不待祖即日辭母氏徒步  
向南浦憶昔博陵遊惟兄不遑處徃返踰四月獨

自任牧園今日猶前志霜露彌淒楚吾儕亦人子  
無父將何怙當仁甘相讓衾影多慚沮送君長楊  
陌泣涕隕如雨

寄呈家君即次家君丁巳年寄示詩韻二  
首

淹留千里外盼望五年餘問世憑忠信修身置古  
初一官形贈贈兩地感盈虛定省多踈曠空悲類  
絕裾

冲霄慙海鶴猶自戀雞群未獲逢青眼何能慰白  
雲但求安義命早戒驚殺聞顧此年將壯私心媿



博文

山居即事

漸覺芙蓉老空山正晚秋  
殘蛩隨雨咽落葉入溪流  
興寄雲容澹情移鳥語幽  
村醪釀初熟醉後獨科頭

家慈患風疾不良於行者月餘  
邇稍痊可賦此誌喜

勤勞成篤疾問視我心憂幸獲如天福  
猶能勿藥瘳敢云由孝格庶可慰  
羈愁好待春和日還堪伴真游

同作

楓林

二豎頻為祟高年血氣衰良醫商藥石羣望力  
奔馳請命方求代呼天幸荷慈但能無有害天  
死亦何辭

從兄廷楨歸自遂城

霜天忽訝款門轂細話睽違坐待明無却南轅期  
尚緩西風正向大河行

是時冢君方  
有大名之行

除日立春

一歲今朝欲盡辰欣逢物候早含新銀缸鱗吐中  
庭瑞玉漏轂傳上苑春冀北關山通遠夢江南

烟雨寄閒身年年此夕屠蘇酒但願常依白髮人

已未

元日

昨夕春經始今朝日屬元天公憎省事

東坡元日立春詩省

厭事天曰公我輩快承恩畫牖雞形伏燒巢鵲影翻何  
時堪獻納白獸引仙樽

同作

楓林

又進梅花酒登盤備五辛今晨初獻歲昨夜早  
逢春愛日心彌切增年意更新成童雖未逮却  
是兩朝人

大行太上皇帝哀詩

陶唐驚殂落遇密慟 堯天 聖學隆義卦 遐

齡婉舜年無疆綿道統不息行心傳 國餉欣三

免民租慶五蠲兩階 文敷誕重譯 德音宣

燕翼垂千禩 純熙備十全橋山弓劍杳房序玉

球捐薄海思 綸綍寰瀛廢管絃星街 金輦駐

雲路 寶幡懸震悼 皇心切春光總黯然

登焦山

絕巘凌霄漢登臨最上頭天隨平野盡水入大江  
流百粵杯中落三吳檻外收兩年踈蠟屐重此豁

雙眸

同作

楓林

出郭懷幽賞尋竒逆興同乾坤分淑氣童冠共  
春風選勝心情愜臨高眼界空我生年十八纔  
到此山中

遊黃泥山

我愛西峰好臨風獨岼巾搜竒無倦色選勝及芳  
辰洞口猿為友松巔鶴與隣何當買山住不識世  
間春

同作

楓林

聞道群山內黃泥石獨竒蜿蜒多秀骨離合有  
清姿蠟屐披蘿徑歌巾拭鮮碑茲遊真快意歸  
路不嫌遲

遊馬鞍山

西望仙女峰峭壁何崢嶸茆菴挿山嘴粼粼水一  
泓昔人開方便相傳此放生不乾池常在冷然有  
餘清於物無魚躍空懷濠濮情且當去滄浪水聊  
可濯吾纓

同作

楓林

虞仙不可見更訪龍舒女獨上望姑峰何年此

冲舉我亦香案吏紅塵聊託處悠悠眼中人誰  
與問元圃聞道穿江洞去天祇尺五行當終棲  
隱坎離參龍虎

偶感

共驩容 帝世放殛待 重華薄海瞻黃屋盈廷  
望白麻德刑臻上理舉錯懾官邪十日清朋黨歸  
心萬里賒

春興同家兄濟堂舍弟丹渚作十首

春風

新春應候有條風一氣吹嘘自艮宮博記真堪窺

喜怒

羣芳譜風記也其氣博記而動物氣氤耳莫也得怒之氣則暴得喜之氣則和

問雌雄仙人御去知時易

述異記列子御風而行常以立春日歸乎八荒

太史占來卜歲豐快意江南花信動嬉遊到處踏

芳叢

### 春雨

山中昨夜雨廉纖細浪春塘碧水添廣陌風和芳  
蘚滑香泥履印落花黏迷離柳外停漁舫暮暝邨  
頭濕酒帘野望庭階生意足眼前窻草已先霑

### 春雲

不信神仙在上頭

釋齊己詩上頭行處是神仙

如龍如馬更如



牛霏微觸石峰尖出縹緲行空水面浮彷彿蘓公  
歸後襟依稀劉季住時求天涯滿眼流成海何處  
停雲是遂州

安肅縣宋  
元曰遂州

### 春煙

習習輕風淡淡煙春遊隨意挂吟鞭  
轂筠細細千竿媚弱柳絲絲一帶妍  
燕剪穿來芳草渡鶯梭衝破夕陽天  
青山綠樹濃陰晷戲逐兒童放紙鳶

### 春月

莫嫌春月不如秋却勝前賢秉燭遊  
玉蘂三更輝閬苑梨花一色照瓊樓  
青山樹影窺榆柳綠水波

光見斗牛好趁冰輪圓滿夜。尋更泛五湖舟。

### 春山

一邱亦自賞心諧。待到春來分外佳。倚戶層巘窺  
遠寺。開窓列岫對書齋。飛泉落壁銀河瀉。峭竹參  
天玉筍排。定少前身山水債。風流詩酒屬吾儕。

### 春水

粼粼春水碧于油。極浦潮生繞郭流。兩岸輕風楊  
柳渡。一帆細雨木蘭舟。迴波往復縈紅蓼。暖浪澄  
鮮泛白鷗。曲澗平橋圖畫裏。分明可當穀武陵游。

### 春草

南阡北陌望萋萋直到天涯眼欲迷  
沒徑蓬蒿懷仲蔚當窻碧綠想濂溪  
丰茸色比青袍好點染文同紫綬齊  
縱是春暉難報稱區區意自抱長堤

春花

自有封豕著力培春風信已過江梅  
鮮枝不仗并刀剪艷色何曾羯鼓催  
斷續清香浮暖座周遭濃影上層臺  
還愁客至防花逕靜閉柴門未敢開

春鳥

變轂時鳥亦能言總賴東皇化育恩  
選勝偏啼花外寺敲鼗最愛水邊村  
呼朋燕侶喧風逕喚婦鳩

群噪兩園共道不如歸去好天涯何事未還轅

哭五弟

鴈行林立燦如雲喜汝蘭芽志不羣詎料三彭生  
禍崇無端二豎結愁氛悲深拭淚皆成血痛極捫  
心若半醺怪道前宵妖夢殘驚看手足墮紛紛弟患

病前一夕余  
夢手足墮落

嘆汝髫齡與世辭悠然長往竟何之情依白髮寒  
雲嘯夢冷黃泉落日悲李賀探囊空積句姜肱蒙  
被懶裁詩可憐觸處皆淒切苦憶連林夜雨時  
曾駕吳船泝綠波萍蹤兩度到潯沱三千里外離

愁繞十八年中別恨多詩酒情懷空浩歎風塵歲

月易蹉跎追思汶水湯湯處攜手同車快若何丙余

辰年北適適弟隨家慈自清豐南旋相遇汶上旅次

弱小楊烏竟不存人琴俱絕尚何言淒涼月色明

如晦慘澹風光晝亦昏夜盡羈懷驚落雁時新圃兄從家

君客春深旅夢泣啼猿萱堂此日柔腸斷屢勸加

餐淚暗吞

### 感懷用孟東野韻二首

夭壽命無常死生知有道日夕坐凝思淚濕斷腸

草誼為骨肉親身由寧靜保華月擲如梭盈缺催

人老

顧影獨徘徊。凭欄起悲辜。仰視蒼天表。浮雲黯北  
辰。繁花燦如錦。依舊美芳春。茫茫泉臺路。何處意  
中人。

清明日作

幽居苦寂寥。冒雨趨古道。累累郭北墓。離離原上  
草。百年曾幾何。零落終難保。自非喬與松。誰人能  
不老。

歸來仍閉戶。觸物多酸辛。雅欲憑蕉葉。強意度芳  
辰。逝者空興歎。過眼已殘春。脉脉愁無語。望斷素

心人

春燕二首

春光明媚日初晴。燕影婆娑冉冉輕。  
幾次空梁泥欲落。香閨夢破入簾櫳。

雙雙羨爾若同生。我見猶憐淚欲傾。  
寂寞高樓人不在。呢喃諒汝亦傷情。

哭曉山從弟二首

十年同几席。期爾共前修。豈意雲霄墮。空教溝壑浮。  
幾忘精衛恨。多恐宓妃求。亦勸公無渡。甘心泣楚囚。

抗節懷前哲。捐生未是愚。無端從正則。何事學申屠。  
樂死成新鬼。忘親愧孝烏。忽諸空抱歎。孤負許家駒。

懷左峰伯二首

朝來雨勢暗。遙汀浙瀝芭蕉水。氣腥倭倚雞窠頭。  
入夢閒思馬帳正。談經苔深菊徑春。風遠露冷蘭階霽。  
月停寄迹天涯何處是。淮濱蕭瑟短長亭。  
兩載臯比遠。故鄉黃河東去望。洋洋愁添馬驛嘶。  
芳草地。迎魚臺。吊夕陽。請業經時情。轉摯論文過。  
後味偏長。衙齋想見冰心潔。首霜連宵伴舉觴。



野望用義山春宵自遣

適性偏宜野閒游玩物華輕風烟撲柳細雨浪生  
花樹影空山出苔痕古道斜偶逢隣叟至邀入白  
雲家

新秋雜興四首

朝來秋意滿園亭展轉虛窻眼不停柳拂平堤依  
水綠苔浮曲徑入簾青臨風把酒編詩話坐午焚  
香讀道經荏苒時光容易過西流又已見明星  
烟霞未得買山居負郭誅茅亦自如仲蔚蓬蒿無  
客迹淵明松菊是吾廬銷閒偶閱齊諧記嗜古頻

繡○越○絕○書○但○使○歌○散○盈○戶○外○何○妨○環○堵○作○經○畬○  
無○端○涼○雨○過○遙○天○活○水○新○茶○手○自○煎○南○窗○擁○書○常○  
伴○坐○北○窗○倚○枕○獨○高○眠○吟○風○弄○月○添○詩○債○射○覆○藏○  
鉤○結○酒○緣○適○興○何○須○羨○絲○竹○鳴○秋○柳○外○有○寒○蟬○  
一○縷○流○雲○度○遠○空○登○高○眺○望○觸○離○衷○江○鱸○逸○興○虛○  
南○國○胡○馬○班○殺○滯○北○風○赤○手○依○人○傷○折○柳○白○頭○垂○  
暮○感○飄○蓬○天○涯○不○盡○悲○秋○意○一○片○愁○心○付○塞○鴻○

家君自遂城歸里口號

終○日○盼○行○旌○征○人○始○聿○至○一○朝○望○顏○色○小○子○忙○趨○  
侍○骨○肉○重○聚○首○庶○幾○所○欲○遂○無○那○鼻○魚○慟○重○以○西○

河淚觸境若屠腸感物都酸鼻如何垂暮年逢茲  
百憂萃哀音不忍聽行路猶涕泗遂使歡娛心頓  
變悽愴意

秋夜

輾轉難成寐中宵百感深青燈澹寒屋白露冷秋  
砧近海多風雨慄人遍古今如何此時恨陳伯蠓  
蟋蟀更哀吟

蟋蟀

空山愁落木又聽草蟲鳴急響浮孤枕哀音咽五  
更西風吹鐸動殘月照窻明試問依東壁如何亦

不平

菊花

種菊年年慣今朝分外佳素心三徑契傲骨九秋  
諸自為幽人獨何曾俗侶偕高堂憂患意對此暫  
開懷

聞雁有感

冥鴻天外任翱翔清唳無端到枕旁嘆我肩隨方  
失侶輸君齒序自成行平沙俯仰同潛跡夜月徘徊  
共引吭相彼飛禽猶若此那堪人世惹悲傷